



TOSHKENT DAVLAT YURIDIK UNIVERSITETI REKTORINING B U Y R U G ' I

21.05.2024

315-tm-son

Stipendiya tayinlash to'g'risida

O'zbekiston Respublikasi Prezidentining 2021-yil 9-avgustdagi "Yetim bolalar va ota-ona qaramog'idan mahrum bo'lgan bolalarni davlat tomonidan qo'llab-quvvatlashning yangi tizimini joriy etish chora-tadbirlari to'g'risida"gi PQ – 5216-son qarorining 10-bandi oltinchi xatboshisiga, O'zbekiston Respublikasi Vazirlar Mahkamasining 2020-yil 31-yanvardagi 59-son qarori bilan tasdiqlangan Oliy ta'lim muassasalari talabalariga stipendiyalar tayinlash va to'lash tartibi to'g'risidagi nizom, O'zbekiston Respublikasi Vazirlar Mahkamasining 2021-yil 10-iyundagi 359-son qarori bilan tasdiqlangan Toshkent davlat yuridik universitetida ta'limning kredit-modul tizimida o'quv jarayonini tashkil etish tartibi to'g'risidagi nizom, Toshkent davlat yuridik universitetida o'qitishning modul tizimi sharoitlarida talabalar bilimni nazorat qilish tartibi va baholash mezonlari to'g'risidagi nizom (ro'yxat raqami 2780, 2016-yil 22-aprel)ga asosan hamda 2023/2024 o'quv yili kuzgi semestr reyting qaydnomalariga, shuningdek Toshkent davlat yuridik universiteti stipendiya komissiyasining 2024-yil 16-maydagi 4-son yig'ilish bayoniga muvofiq

BUYURAMAN:

1. Toshkent davlat yuridik universitetining ilovada ro'yxati keltirilgan davlat granti asosida tahsil olayotgan va fanlardan o'zlashtirish ko'rsatkichlarining 30 foizidan kam qismini "qoniqarli" bahoga (reyting ko'rsatkichi – 71 balldan kam) o'zlashtirgan bakalavriat ta'lim yo'nalishi talabalari 2023/2024 o'quv yili kuzgi semestri fanlardan nazorat turlarini topshirib, tegishli kurs uchun belgilangan o'quv rejasining tegishli qismini to'liq bajarganliklari sababli ularga stipendiyaning bazaviy miqdorida 2024-yilning 1-fevralidan boshlab navbatdagi o'quv semestri mobaynida stipendiya tayinlansin.

2. Toshkent davlat yuridik universitetining bakalavriat ta'lim yo'nalishida davlat granti asosida tahsil olayotgan 3-kurs Jinoyat-huquqiy faoliyat talabasi

Eshboyev Sharafiddin Alisher o'g'li nogironligi bo'yicha qayta tibbiy ko'rikdan o'tib, 2-guruh nogironligi to'g'risidagi 491494-son ma'lumotnomasini 2024-yilning 1-may kuni taqdim qilganligi sababli unga stipendiyaning bazaviy miqdoriga nisbatan 50 foiz yuqori (oshirilgan) qismi 2024-yilning 1-mayidan boshlab navbatdagi o'quv semestri mobaynida tayinlansin va to'lab borilsin.

3. Toshkent davlat yuridik universitetining bakalavriat ta'lim yo'nalishida davlat granti asosida tahsil olayotgan va 2-guruh nogironligi bo'lgan 3-kurs Davlat-huquqiy faoliyat talabasi Ergashev Anvarjon Erkin o'g'li apellatsiya natijasiga muvofiq 2023/2024 o'quv yili kuzgi semestri fanlardan nazorat turlarini topshirib, tegishli kurs uchun belgilangan o'quv rejasining tegishli qismini to'liq bajarganliklari sababli unga stipendiyaning bazaviy miqdoriga nisbatan 50 foiz yuqori (oshirilgan) miqdorda 2024-yilning 1-fevralidan boshlab navbatdagi o'quv semestri mobaynida stipendiya tayinlansin.

4. Toshkent davlat yuridik universitetining bakalavriat ta'lim yo'nalishida to'lov-kontrakt asosida tahsil olayotgan 2-kurs Jinoyat-huquqiy faoliyat talabasi Abdulazizov Shohjahon Jamshid o'g'li (stipendiyali yoki stipendiyasiz shaklda ekanligidan qat'i nazar), 2023/2024 o'quv yili kuzgi o'quv semestri yakuni bo'yicha fanlardan o'zlashtirish ko'rsatkichlari «a'lo» baho (reyting ko'rsatkichi 86 ball va undan yuqori) bo'lganligi sababli uni stipendiyaning bazaviy miqdoriga nisbatan 20 foiz miqdorida 2024-yilning 1-fevralidan boshlab navbatdagi o'quv semestri mobaynida rag'batlantirilsin.

5. Buxgalteriya (M.Parpiyev) ilovada ro'yxati keltirilgan talabalarga hamda talabalar Sh.Eshboyev va Sh.Abdulazizov belgilangan miqdorda stipendiyalarni o'rnatilgan tartibda to'lanishini ta'minlasin.

6. Ushbu buyruq ijrosining nazorati prorektor A.Iminov zimmasiga yuklansin.

Rektor v.v.b.



I.RUSTAMBEKOV

Toshkent shahar

Kiritildi:

Boshqarma boshlig'i

S.BOZAROV



Kelishildi:

Bosh buxgalter

M.PARPIYEV



Dekan (fan doktori yoki fan doktori
(Doctor of Science) ilmiy darajasiga
yoki xorijiy davlatlarning unga
tenglashtirilgan boshqa ilmiy
darajalariga yoki professor ilmiy
unvoniga ega bo'lgan)

SH.SAYDULLAYEV



Dekan (Fan nomzodi yoki falsafa
doktori (Ph.D) ilmiy darajasiga yoki
xorijiy davlatlarning unga
tenglashtirilgan boshqa ilmiy
darajalariga yoki dotsent ilmiy
unvoniga ega bo'lgan)

D.KAMALOVA



yuriskonsult

D.ALIBOYEV

